

济南泉水文化通览

济南市人民政府 主办
济南市史志办公室 编



任宝祯·刘书龙等撰稿

济南出版社

济南泉水文化通览

济南市人民政府 主办
济南市史志办公室 编



任宝祯·刘书龙等撰稿

济南出版社

图书在版编目 (CIP) 数据

济南泉水文化通览 / 济南市史志办公室编. -- 济南 :
济南出版社, 2013.4

ISBN 978-7-5488-0850-3

I. ①济… II. ①济… III. ①泉水—文化—济南市

IV. ① K928.4

中国版本图书馆 CIP 数据核字 (2013) 第 086313 号

济南泉水文化通览·泉水艺文

济南市史志办公室 编 任宝祯 刘书龙 等 撰稿

责任编辑	戴梅海 朱向泓 朱 琦
装帧设计	朱爱军 张 红
出版发行	济南出版社
印 刷	济南黄氏印务有限公司
开 本	787×1092 毫米 1/16
字 数	1300 千
印 张	91.5
版 次	2013 年 5 月第 1 版
印 次	2013 年 5 月第 1 次印刷
印 数	1—3000 套
书 号	ISBN 978-7-5488-0850-3
定 价	360.00 元 (全六册)

编纂委员会

名誉主任 王 敏

主 任 杨鲁豫

副 主 任 孙晓刚 杨 峰 巩宪群 李华贤 李吉乾

杜 平 张德萍 李吉祥

顾 问 (以姓氏笔画为序)

邢玉墀 朱文兴 刘秋增 安作璋 杜泽逊 张福山

钟 华 诸葛士廉

委 员 (以姓氏笔画为序)

丁少伦 王拥华 王 毅 王铁志 王继东 田 庄

刘 浩 刘程华 孙平远 李景全 张 利 张 岩

张曰良 张永华 赵其民 赵忠诚 凌安中 贾玉良

崔 刚 韩永军 韩圣喜 韩晓光 潘大波

济南泉水文化通览

主 编 李吉祥

副 主 编 朱佩峰 綦延辉 杜加臣 庞新华

特约副主编 郭德芳

编 辑 (以姓氏笔画为序)

丁爱军	刁文菁	王 炜	王 洋	王 群	代戈红
祁忠举	孙 广	李国宇	宋高峰	张 阳	张超强
陈 蕾	宣 涛	夏 兵	高江娜	郭建群	董殿勋
景国富	路玉增				

参编人员 (以姓氏笔画为序)

于文玲	于惠民	万慧永	马交国	王 文	王卫东
王永波	王伊娟	王桂欣	王鲁飞	尤凤尧	孔宪雷
邢立亭	朱亚非	任宝祯	刘书龙	李 铭	吴洪业
张 宏	张华松	张建华	陆 敏	陈振鹏	国兴华
罗 涛	周长风	赵 建	赵玉德	赵延铸	赵钟云
赵晓林	荣 斌	侯 环	侯 林	侯 琪	姜等松
秦若轼	党明德	徐家茂	奚德荫	唐景椿	彭玉明
释 达	雍 坚	戴永夏	魏 巍		

照片提供

王 琴	王 锋	王亮朝	王鲁生	吕传泉	孙 岫
李 亮	李 彦	李凤民	李秀平	李建辉	李瑞勇
张泉刚	张崇元	陈长礼	陈令宝	孟繁林	贺鸿道
袁 磊	袁寒松	郭松舟	曹丽君	常德宝	梁 莹
董丽娜	满 琦				

目 录

第一章 诗词文赋	1
第一节 诗	1
第二节 词	199
第三节 赋	204
第四节 文	207
第二章 楹联碑刻匾额	342
第一节 楹 联	342
第二节 碑 刻	361
第三节 匾 额	407
第三章 书 籍	414
第一节 书目提要	414
第二节 篇目辑要	432

第一章 诗词文赋*

第一节 诗

一 总 咏

遍游历下诸名泉，志之 [明] 阎尔梅

选酒携僧杖挂钱，文螺碧藻映芳鲜。山花气冷园犹锁，水草名多志不全。
随处林峦生异药，各家厨灶汲新泉。游鱼乱逐游人影，吹得明珠满路溅。

(选自《白耄山人诗集》)

济南名泉歌并引 [明] 郑潜

予性嗜泉石，所至辄访求遗迹。兹来山东，仅得观无忧、趵突二泉，余未暇及也。因阅地志，得泉之名，遂次韵成章，少资历览云。尔观者当索于声名之外，可也。

济南名泉七十二，我欲历览无端倪。玉环金线互联络，芙蓉柳絮迷东西。
南接石湾岂无路，北煮混沙应有泥。长生满井流不竭，百脉双桃难共提。杜康
酒醴凝湛露，孝感珍珠连蜜脂。贤清流庆人所慕，圣惠德馨名可齐。登州道士
漱玉至，金沙观音洗钵携。濯纓素取张侯宅，云楼疑通王氏溪。胭脂浆水碧

* 为方便作者查阅，诗作部分先是总咏之作，后为分题之诗。总咏部分的诗作按作者生活年代为序；分题部分的诗作，先按泉群分，再按泉名分；各泉群下，题咏主泉、名泉之诗作在前，题咏其他泉水之诗作在后，相关名胜古迹之诗作附于咏泉诗后；主泉、名泉之外的其他泉水题咏诗作，按泉名的汉语拼音排序。咏同泉之作，先按作者朝代划分，然后按作者的卒年先后排序，卒年不详者，按照作者的生活年代，排于相应年代处；生活时代不详者，列于朝代末，依作者姓名的汉语拼音为序。词、赋、文部分的排序原则类此。

于染，白龙金虎光横霓。扈公望水澄为鉴，罗姑知鱼香可稽。炉生紫烟晴冉冉，车碾芳草春萋萋。龙门苦苣君莫饮，白花胡桃谁敢梯。鹿跑浅井远林汲，鱼池朱公行柳堤。共观趵突雪争立，常愿无忧云会栖。王屋山人酌潢潦（李溉之自号王屋山人），樵隐使君闲杖藜（博洽岱尔宪副自号樵隐）。匡山书声已绝响，大明湖光犹曳梯。故乡亦自好泉石，但恨未得穷攀跻。且还琼岛濯冰雪，何日皇华来遍题。（选自《樗庵类稿》）

七十二泉歌 [明] 周绳

满井珍珠金线穿，芙蓉滴水作华泉。杜康洗钵灰池净，刘氏濯缨熨斗悬。漱玉南来仍北去，蜜脂东往又西还。贤清望水知鱼在，临汲白云看鹿眠。龙门金虎护金沙，金榜龙居散水崖。百脉香泉飘柳絮，双桃甘露湿皇华。卧牛近映登州鉴，苦苣遥通浅井花。携酒东皋观趵突，无灰白地印硃砂。温柳无忧夜独孤，玉环唤汝向龙炉。马跑浆水皆堪赏，舜井混沙亦可娱。灰石双湾归孝感，煮糠三遍问罗姑。染池湛露随车沛，好对溪亭赋上都。

（选自《历城名胜诗钞》）

七十二泉总咏 [明] 张珣

济南出灵泉，七十有二穴。其源根泰山，其脉罄千折。涓流何清冷，滋味极甘冽。岱蓄名皇华，膏亭曰趵突。潺淙漱玉声，粲烂悬珠色。金线绾芙蓉，醴泉间蜜脂。白龙如镂银，黑虎若点漆。玉环乃团圞，甘露时时滴。无忧槛泉西，孝感泺源北。舜泉响琳琅，双女解佩玦。或犹莴苣苦，或类杨花洁。或比蟠桃红，或似柳絮碧。卧牛何瑰奇，鹿趵亦清绝。鱼池漾晴澜，龙居通海国。濯缨涟漪伏，贤清源水活。其中名最多，悉数不终物。纓湾由天成，嶧阔本地设。自非旷士怀，肯爱山水窟。予来官济南，奉命持宪节。随地观民风，所至慕先哲。上穷洙泗源，下尽风纪职。水由地中行，远近沐润泽。作诗记胜游，俯仰慨今昔。（选自《历乘》）

秋日游明湖（七首选一） [清] 王士禛

名泉七十二，齐郡早知秋。潺湲虎落间，高下穿清流。柳絮落不已，龙居吟未收。此是五花簾，高卧会波楼。（柳絮、龙居，皆泉名）。

（选自清乾隆《历城县志》）

赋得流水冷冷尽著名（得“冷”字，限七律） [清] 张希杰

济南湖水似西泠，七二名泉俨列星。喷薄涓涓同一脉，波涛荡荡尽流馨。泻红澄绿神仙酒，金线珍珠双玉缸。若使东坡还过此，定当重建水云亭。

（选自《铸雪斋诗集》）

历下七十二泉名歌 [清] 张希杰

历下名泉七十二，第一趵突发王屋（趵突泉）。南煮糠连北煮糠（南煮糠泉、北煮糠泉），杜康酒醴都泉熟（杜康泉、醴泉、酒泉、都泉）。白龙黑龙跃龙门（白龙泉、黑龙泉、龙门泉），黑虎龙居望水蹲（黑虎泉、龙居泉、望水泉）。知鱼池中鱼池阔（知鱼池泉、鱼池泉），鹿跑马跑清水浑（鹿跑泉、马跑泉、清水泉）。灰池熨斗拜罗姑（灰池泉、罗姑泉、熨斗泉），玉环金线南珍珠（玉环泉、金线泉、南珍珠泉）。东泉刘氏悬珠出（东泉泉、刘氏泉、悬珠泉），北珍珠系双女孺（北珍珠泉、双女泉）。王氏溪亭果贤清（王氏溪亭泉、贤清泉），芙蓉双桃柳絮轻（芙蓉泉、双桃泉、柳絮泉）。皇华白花石湾曲（皇华泉、白花泉、石湾泉），莼苕胡桃洗钵盛（莼苕泉、胡桃泉、洗钵泉）。金沙湛露东蜜脂（金沙泉、湛露泉、东蜜脂泉），登州道士无忧思（登州泉、道士泉、无忧泉）。香泉温泉濯缨去（香泉、温泉、濯缨泉），满井浅井甘露滋（满井泉、浅井泉、甘露泉）。舜泉孝感明水东（舜泉、孝感泉、明水泉），朱公白公柳泉风（朱公泉、白公泉、柳泉）。独孤混沙染池绿（独孤泉、混沙泉、染池泉），悬泉散水蜜脂红（悬泉、散水泉、蜜脂泉）。南漱玉通北漱玉（南漱玉泉、北漱玉泉），白泉卧牛车泉浴（白泉、卧牛泉、车泉）。南甘露滴浆水泉（南甘露泉、浆水泉），数到灰泉泉名足（灰泉）。（选自《铸雪斋诗集》）

历下秋怀（十首选一） [清] 张元

历下名泉七十二，于今故迹半迷茫。珠源或入胥商宅，雪窟翻为瓦砾场。
岂是年华有代谢，故令流水阅兴亡。桑经欲续无寻处，秋老蒹葭自夕阳。

（选自《绿筠轩诗》）

读《水品》 [清] 任弘远

历下七十二名泉，仔细品来处处甘。笑煞当年陆博士，独将跬步限江南。

（选自《鹊华山人诗集》）

七十二名泉 [清] 王初桐

勾稽七十二名泉，每抚残碑恨转生。闻说当年李文叔，《济南水记》最详明。

名泉碑不知何人所立，总七十二泉，远至中宫、灵岩诸泉具载，而华不注之华泉、明水镇之净明泉，皆失不取，盖残金俗笔。李文叔曾著《济南水记》，惜不传。（选自《济南竹枝词》，原诗无题，诗题为编者所加。）

济泉吟 [清] 濮文暹

王屋之山清济源，穴行曲折蟠灵根。神龙隐见幻鳞爪（济水入地四见三伏），七十二窍澜争翻。潭淳溪注善择地，大湖一鉴明不昏。汀葭堤树任荒瑟，深环楼榭何轩轩。清流各许分一席，棹歌凄宕波无喧。名山湍瀑久擅胜，险阻往往愁攀援。此泉不逞声与势，俯拾即是偏潺湲。各立佳名状所异，甃之檻之夸屏藩。止有趵突称最古，丈余涌出如腾骞。不劳纒崖更汲壑，官待直界成湖村。惜哉佳泉无佳茗，粗枝大叶徒浑浑。有如衙官污屈宋，用违其器真烦冤。又如高人在幽谷，了无功业堪讨论。反因本色参妙谛，得一以清乾之元。我贪一勺但冷饮，味外之味安能言。何如再伏再养晦，渴喉俗胃休轻吞。九渊深闭谁辟门，横贯河腹排鲸鯢。灵犀分水逞角触，仙鹏劈海留翅痕（唐人有《清济贯河赋》）。中条滉荡绝依傍，划然开径由所奔。身入五浊竟不滓，此泉之品清而尊。济南名士况多派，一亭

历下千秋存。北海大夫浣花叟，斟酌曾此开琴尊。我更伤时荐寒菊，中有碧血招忠魂（李公邕、杜公甫、铁公铉皆有祠祀）。（选自《见在龕集》）

济南竹枝词（二十八首之九） [清] 孙兆淮

多少名泉散四隅，迂回络绎赴明湖。阿侬最喜长流水，流到门前洗绿襦。

城中多二尺许水沟，通城旋绕，清泉汨汨，长流不止，每从民居中流出。

（选自《花笺录》）

二 分 题

（一）趵突泉泉群

1. 趵突泉（趵突泉白雪楼、娥英祠、观澜亭、槛泉亭、见山亭、来鹤桥、吕祖祠、胜概楼、涌轮亭等相关名胜古迹附）

趵突泉 [宋] 曾巩

一派遥从玉水分，暗来都洒历山尘。滋荣冬茹温常早，润泽春茶味更真。已觉路傍行似鉴，最怜沙际涌如轮。曾成齐鲁封疆会，况托娥英诧世人。

（选自《元丰类稿》）

题刘诏寺丞槛泉亭 [宋] 赵抃

泉名从古冠齐丘，独占溪心涌不休。深似蜀都分海眼，势如吴分起潮头。连宵鼓浪摇明月，当暑迎风作素秋。亭上主人留我语，只将尘事指浮沤。

（选自《赵清献集》）

将别历下 [宋] 晁补之

来见红蕖溢渚香，归途未变柳梢黄。殷勤趵突溪中水，相送扁舟向汶阳。

（选自《鸡肋集》）

和孔武仲济南四咏·檻泉亭 [宋] 苏辙

连山带郭走平川，伏涧潜流发涌泉。汹汹秋声明月夜，蓬蓬晓气欲晴天。
谁家鹅鸭横波去，日暮牛羊饮道边。滓秽未能妨洁净，孤亭每到一依然。

(选自《栾城集》)

济南杂事(十首之七) [金] 元好问

白烟消尽冻云凝，山月飞来夜气澄。且向波间看玉塔，不须桥畔觅金绳。

(选自《元遗山先生全集》)

趵突泉(三首) [元] 胡祇通

积厚源深伏沕洄，何年择地擘山开？石根怒激亭亭立，海气寒催滚滚来。
正喜茶瓜湔玉雪，只愁风雨涌云雷。尘缨汗服初公退，野友来临共一杯。

走天河汉绕天周，一脉分差此逆流。比藉浮云未成雨，要令天地便行舟。
六阴积气喷无尽，万里溟源不可求。巨浸稽天行潦水，朝盈夕涸亦堪羞。

何处伏流几万里，择地于此再发源。借口卧龙喷雨雪，开关宝藏泄瑶琨。
高能润下洪涛逝，阳可兼阴沸浪喧。流泽不烦天汉水，洗兵苏旱净尘昏。

(选自《紫山大全集》)

趵突泉 [元] 滕安上

鱼龙惊骇鸟飞回，百步遥闻发殷雷。地脉自初无壅结，水心何苦亦崔嵬。
雪车直立秋风恶，冰塔寒凝夜月来。安得无尘袖中手，为余摩抚镜平开。

(选自《东庵集》)

趵突泉(二首) [元] 张之翰

龙吐鲸喷地轴摧，初疑直上却低徊。簸空海藏汤千沸，蹙碎山根雪一堆。
半夜鬼工穿漏穴，终年神物护硃雷。飞流溅沫知多少，不隔青州万马来。

(选自《西岩集》)

趵突泉歌 [元] 王恽

沈流峻发王屋巅，世以独达神其源。不知悍馱势所激，玉虹那待冯夷鞭。湫流渴马穿历背，海眼洞徹开龙渊。尝闻弃糠黑湾复此出，明见下与地脉相勾连。云鱼吹浪雪涛涌，鳞屋击鼓春雷翻。我初来观冬十月，阴火下煮阳池烟。洪濛元气东山作，苍江屈注倒景悬。少陵抚掌叹奇绝，未若玉塔突起掀晴澜。天机幻出此怪供，欲洒飞雨清尘寰。当年小白会水上，春秋见书名不刊。咄哉齐晋两蛮触，千古事往风云闲。汉家包海归一统，霸气何有诸侯坛。清冷无复歃血污，甞沸不洗陈恒奸。我读太史书，风声习气随山川。齐人阔达多匿智，政恐功利为当然。安得此泉尽变作醇酎，一醉浩浩还吾天。

(选自《秋涧先生大全文集》)

趵突泉 [元] 赵孟頫

泺水发源天下无，平地涌出白玉壶。谷虚久恐元气泄，岁旱不愁东海枯。云雾润蒸华不注，波涛声震大明湖。时来泉上濯尘土，冰雪满怀清兴孤。

(选自《松雪斋集》)

胜概楼 [元] 赵孟頫

楼下寒泉雪浪惊，楼前山色翠屏横。登临何必非吾土，啸傲聊因得此生。檐外白云来托宿，梁间紫燕语关情。济南胜概天下少，试倚阑干眼自明。

(选自《松雪斋集》)

趵突泉 [元] 张养浩

物平莫如水，堙阻乃有声。云胡在坦夷，起立若纷争。无乃沧溟穴，漏泄元气精。不然定鬼物，搏激风涛惊。奇观天下无，每过烦襟清。茫茫彼区域，载物良不轻。微水坤焉浮，非天水奚生？孰知一脉许，而与天地并。因之有真悟，日晏忘濯缨。

(选自《归田类稿》)

趵突泉 [元] 张养浩

绕栏惊视重徘徊，流水缘何自作堆？三尺不消平地雪，四时常吼半空雷。
深通沧海愁波尽，怒撼秋风恐岸摧。每过尘怀为潇洒，斜阳欲没未能回。

（选自《归田类稿》）

趵突泉 [明] 汪广洋

济南泉有七十二，趵突泉当第一流。山谷幽深开虎穴，水心明白现鳌头。
月升银海波涛涌，露湿金茎沆瀣浮。骑马远来闲洗耳，怕闻丝竹沸清秋。

（选自《凤池吟稿》）

趵突泉 [明] 晏璧

渴马崖前水满川，江心泉迸蕊珠圆。济南七十泉流乳，趵突独称第一泉。

（选自《历乘》）

饮趵突泉 [明] 王越

一泓清气涌波澜，几度曾于醉里看。玉杵乱舂珠颗碎，冰壶倒浸雪花寒。
龙吹海沫潮声急，鬼剜山根石眼宽。谁为苍生作霖雨？天瓢携得上云端。

（选自《趵突泉志校注》）

游趵突泉 [明] 王弼

济南历下多白泉，白沙几处涵风烟。郭西趵突更神异，平地一朵白玉莲。
浪花滚起千层雪，此中疑是蛟龙穴。灵藏岁久变妖怪，精气上涌成涎沫。余波
散漫渊复渟，溪风冷冽山雨青。微霜初下雁秋浴，落月渐低猿夜听。穷源我欲
溯川陆，旧志虚传自王屋。冥茫难测造化情，聊寄泉亭漱寒玉。

（选自《佩文斋咏物诗选》）

晚到泺泉，次赵松雪韵 [明] 陈镐

玉垒璘珣半有无，金声铿锵拥冰壶。流通渤澥源何远，老尽乾坤势未枯。

万点明珠浮泡沫，一川轻浪接平湖。公余徙倚观澜石，四面清风兴不孤。

（选自《趵突泉志校注》）

壬辰夏，余寄济上，客携游吕公祠，观趵突泉，小酌焉。好雨驱暑，水清竹腻，豁目爽襟，次壁间韵，纪之 [明] 邢大道

宿雨初晴暑气无，开襟晚坐小蓬壶。傍池苔藓青犹湿，依阁松篁绿未枯。深窦龙髯吹急浪，空天鸟影下平湖。抱缨欲赋沧浪曲，一片乡心对月孤。

（选自《白云巢集》）

趵突泉，和赵韵 [明] 乔宇

濯尽尘襟一点无，皎如寒露在冰壶。风鸣云涌声先到，岁旱山空泽未枯。定有灵根连海岱，应教余润比江湖。他年杖策游王屋，解道寻源兴未孤。

（选自《趵突泉志校注》）

趵突泉，和赵松雪韵 [明] 王守仁

冻源特起根虚无，下有鳌窟连蓬壶。绝喜坤灵能尔幻，却愁地脉还时枯。惊湍怒涌喷石窦，流沫下泻翻云湖。月色照衣归独晚，溪边瘦影伴人孤。

（选自《王阳明全集》）

和韵 [明] 郑材

昔日曾来汗漫游，更怜仙侣共寻幽。瀛洲景色情何似？湏激泉声意未休。亭榭群芳开彻浦，小天双月坐凌秋。凭空次第观涛赋，河朔风流信自由。

（选自《历乘》）

登白雪楼，怀李于鳞 [明] 边习

冻源风景冠齐州，更筑诗豪白雪楼。人拟古今双学士，天开图画两瀛洲。云间黄鹤还飞去，海上沧波欲倒流。聚散存亡余感慨，转怜花鸟不知愁。

（选自《趵突泉志校注》）

饮趵突泉 [明] 王廷相

济水东来伏，泉开涌玉林。恍疑焦釜沸，翻讶石堂沉。作泽随云远，成波助海深。春回潜跃遂，郁有羨鱼心。（选自《王氏家藏集》）

咏趵突泉 [明] 胡纘宗

王屋流来山下泉，清波聊酌思泠然。云含雪浪频翻地，河涌三星倒映天。滚滚波涛生海底，芄芄蕊萼散城边。秋光一片凌霄汉，最好乘槎泛斗前。（选自《鸟鼠山人集》）

饮趵突泉，有感李于鳞先生白雪楼 [明] 王士性

解道群灵拥岱宗，飞泉忽漫舞天风。惊衔玉烛蛟龙起，倒卷银河渤澥通。谁凿乾坤开混沌，直排河洛自西东。化工留与人间世，白雪楼高倚碧空。（抄录自趵突泉畔碑刻）

趵突泉 [明] 潘一桂

灵源幻不测，潜液流不停。山根厄泉脑，随地争沸腾。石窦来怒雪，沙际淆繁星。隐雷晓壑霁，急雨空堂清。壮音薄霄影，跳沫洽风棂。鲛人舞晴泪，龙女搏春冰。由沼括神瀑，球栏戟幽亭。玲珑纳霞月，浩渺涵空青。元气生不息，静见天地英。灵奇星游目，未敢投尘纓。（选自《趵突泉志校注》）

丁丑春日再过泉亭酒家（二首） [明] 许邦才

趵突泉头卖酒家，板桥迢迢跨河斜。东风解得丹青意，画出垂杨间杏花。吼雷喷雪更流霞，味比中泠特地嘉。醉后诗脾浑作酒，旋烹雀舌摘藤花。（选自《趵突泉志校注》）

趵突泉，和赵韵 [明] 俞宪

蓬萊仙子出山无，谁遣琼浆喷玉壶？势入沧溟元不远，脉从王屋岂能枯。

鲛珠漫自夸三岛，雪浪何须羨五湖。系马夕阳看不足，波心明月坐来孤。

（选自《趵突泉志校注》）

咏泉 [明] 马三才

碧水通灵穴，芳亭俯浅涯。源惊腾地出，势欲上栏斜。散影飘晴雪，回光落镜花。仙炉终日沸，何处觅丹砂？

（选自《历乘》）

同王彭伯年丈观趵突泉 [明] 陈陞

第一名泉却爱看，官闲尽日倚栏干。临风更挟秋声壮，袭客常翻夜月寒。雪浪直飞杨柳岸，云花乱落水晶盘。濯缨自笑尘容客，何日桥头把钓竿。

（选自《历乘》）

登楼怀于鳞先生 [明] 陈陞

有心怜往哲，人去画楼空。千载风流合，一樽意兴同。泉仍当日白，花胜旧时红。何处吟魂结，依依夜梦中。

（选自《历乘》）

泺源饮边一丈 [明] 光庐

寻幽到泺源，相对倒金樽。岚气连城白，泉声入夜喧。终袍知己在，华发故交存。醉矣霜天晓，依投月下门。

（选自明崇祯《历城县志》）

过白雪楼感咏 [明] 光庐

人去楼空济水头，栏杆倚遍忆风流。白云黄鹤杳何处，山色溪声共一楼。长夜漫漫千古恨，知音落落到今愁。岭南大雅关同调，春鸟嚶嚶自可求。

（选自《历乘》）

饮趵突泉 [明] 叶冕

一脉原从天上来，翻涛如怒震如雷。千年玉树波心立，万叠冰花浪里开。神液暗分天地髓，灵光尝护水晶台。飞龙有日还收去，散作甘霖遍九垓。

（选自《趵突泉志校注》）